

Efesus Kimbi **Polnön Efesus yengöra Kimbi alök.** **Jim-asa-asari keu**

Polnön Rom sitigö kösö mire tata Efesus urumelen kambu yengöra Kimbi ki ohoyök. Efesus mi Eisia prowinsgö siti bohonji. Siti miangö uruñe kölköl-örörö gwötpuk ahömalget. Polnön misin nup memba liliköi indimji karöbut ahiga Efesus kaba yambu karöbut miangörej Buña keu jiba malök. Efesus sitinön Juda ambazip tosatji miri tonji yengö sutñine malgerangöra Polnön kimbi ki ohoba kewö kusum engiyök, “Kraistnön lök kambu yahöt toroqeiga urumelen kambu mohok-kun akzahot.” (2.15-16), (3.6) Anutunön jitsihitji aka kalem möriamji urumelen kambu nengöra denöwö ali ahözawi, mi gwötpuk jim asariza. (3.10) Miangö dopkeu karöbut kewö jiyök:

1. Urumelen könagesö enön sile sep busu mohot aketka Kraistnön nanjak nöropñini akza. (1.23; 4.15-16)

2. Urumelen könagesö enön miri mohot tandök aketka Kraistnön engö tandönini kömbönanji akza. (2.21-22)

3. Urumelen könagesö enön ambi buña ewö aketka Kraistnön apñangö tandök akza. (5.25-27) Mewöyök Kraistnön Efesus engö kambu yahöt toroqem etkiiga miangöra sile sep busu mohot akze. Asakñangö ambazip akerangöra malmalñinangö goro keunji keunji ohoyök. Mewö.

Buk kiangö bahönji bohonji 4 mi kewö:

Keu mutuknji keu 1.1-2

Kraist aka urumelen könagesö 1.3-3.21

Kraistpuk malmal döloknji 4.1-6.20

Kimbigö keu kötnji bohonji 6.21-24

¹ *Anutunöŋ Pol ni jitsihitŋangö dop melaim niŋgiiga Kraist Jisösgö aposol akzal. Mötnarip alaurup saraknji Kraist Jisösbuk qekötahöba Efesus sitinöŋ maljei, nöŋön embuk keu eraum mötpingöra kimbi ki ohozal.

² Anutu Iwinini aka Kembu Jisös Kraist yetkön mönö kalem möriam enġiyohotka luainöŋ malme.

Kraistnöŋ Anutugö kötümötuetnji neŋgimakza.

³ Neŋön Kembunini Jisös Kraistkö Iwi Anutunji möpöseimakin. Yaŋön nini Kraistpuk qekötahöinga uruninan ölöwakŋapköra Suep mirigö kötümötuetnji aka kalemnji könaŋi könaŋi mi urunine alöha kayambu asuhui mala kotket.

⁴ Anutunöŋ nini mutuk möpŋangö möpŋeyök kewö akingöra möwölöhöm neŋgiyök: Kraistnöŋ nam köl neŋgiiga neŋön yaŋgö buŋaŋi saraknji aka Anutugö jemesoholŋe keunini qahö kinbin. Mewö möwölöhöm neŋgiba miangö andöŋe Suep gölme miwikŋaiba al etkiyök. Nalö miangörenök könahiba ambazip jöpaköm neŋgiba mala korök.

⁵ Jöpaköm neŋgiba urusihimŋangö dop qeljiŋe keu jit arenji ala keunini kewö jim teköyök: Jisös Kraistnöŋ nam köl neŋgiiga Anutunöŋ neŋgömeiga nanŋi nahönböraturupnji akin. ⁶ Wölböt Nahönŋi neŋgöra melaiiga eta Anutugö kalem

* 1:1: Apo 18.19-21; 19.1

möriamñangö kukösumñi buñabuñambuk köleñda söngöröñi qahö öne neñgiyök. Nini mönö kalem möriamñi miangöra Anutu möpöseim wañgimakin.

⁷ *Anutugö kalem möriamñangö köweñi mi keta bölökñi. Miangö dop Jisösnöñ sepñi mokoba miangön sohoppnini meyök. Mi meyöhangöra Anutunöñ ölop siñgisöndoknini mosöta sanğon neñgimakza.

⁸ Yañön kalem möriamñi mi köweñeyök kelenmaleleñ mokoiga qaknine öngöyök. Mötikutukutuñi öngöngöñi pakpak miangö dop kewö möt asarim neñgiyök: ⁹ Anutunöñ mutuk nanñi uruñe keu areñ jöhöba möri ölöwahiga tölapñe ahöi öne mala kotketmö, Kraistnöñ Anutugö keu jitñangö dop wuatangöba eta neñgöreñ indeliga eka mörin. ¹⁰ Anutunöñ mutuhök kalem möriam areñangö könani kewö mötmöriyök, “Anutu nöñön areñ mi wuatangöba mala malbiga nalöñi törörök kam kuñguiga miangöreñ ölnambuk aiga kewö asuhuma: Körek Suep mirigö jakeñi jakeñi miangöreñ me gölmenöñ ahuba maljei, nöñön mönö mi pakpak mindiriba jöhöm engimam aka Kraist kuñgum wañgibiga körek yeñgö bohonñini mohot aka malma.”

¹¹ Anutunöñ mutuhök nanñi uruñangö dop keu jöhöi ahözawi, mönö areñ miangö dop kuñgukuñgu keuñi jiiga yuai pakpak asuhumakza. Nanñi areñi miangö dop qeljine Juda könagesö nini nanñi buñani aka malbingöra jim teköba al neñgiyök. Miangö dop nini tosatñan Kraistpuk qekötahöinga meköm neñgiiga buñani börösamot ewö anğon

* 1:7: Kol 1.14

köla memba maljin. ¹² Juda könagesö neñön Kraistnöñ galöm köl neñgimapkö mamböta qeljiñe jörömqöröm ak wañgiba mala korini, yañön nini Anutugö kukösumñi buñabuñañambuk möpöseiba malbingöra aka möwölöhöm neñgiyök.

¹³ Kian kantri engöreñök tosatñan mewöyök Kraistpuk toroqeba qekötahöget. Amötqeqegö Ölöwak Buñaji jigetka keu ölni mi möta uruñini melenget. Uña Töröñi yañön Anutu buñañangö muñgem aiwesökñi akza. Uña mi melaii etmapkö keu jöhöyöhi, yañön mönö mi uruñine ali geyök. Kraist möt narim wañgigetka Anutunöñ aiwesökñi kömbönañi mi mekötahöm enñgiiga malje. ¹⁴ Anutunöñ könagesöurupñi Suep Buña neñgimangö keu jöhöyöhi, mi membingö aiwesökñi Uña Töröñi mi mutuk al neñgiyök. Uña Töröñi urunine ali maljawañgöra mönö kewö möt köhöizin: Anutunöñ lök sohohnini memba buñaurupñi ahinga bian gölmenöhök neñgwanñiriga Suepnöñ öñgöba oyaenñkoyaenñ akin. Miangöra mönö Anutugö kukösumñi buñabuñañambuk möpöseimakin. Mewö.

Polnöñ Anutu möpöseiba kewö köuluköyök:

¹⁵ Mewö oyaenñkoyaenñ akingöra aka nöñön Efesus engöra köulukömakzal. Eñön Kembu Jisös pöndan möt nariba ambazip sarakñi pakpak uruñinan jöpaköm engimakzei, tosatñan miangö buzup keuñi jigetka möral. ¹⁶ Miangöra buzup keu mi mörali, nöñön mewöyök engöra aka Anutu möpöseiba mala qahö mosöral. Qahö. Nöñön köuluköba miangören mötmörim enñgimakzal.

17 Mötmörim engiba Kembunini Jisös Kraistkö Anutuñi mi kewö köuluköm wanğimakzal, “O Iwi kukösum Tonji, gi mönö Uñagi Töröñi Efesus alaurup engiman. Uña mi uruñine alnönga mötkutukutuñini qainñi kun asuhuiga Anutugö könañi ölöpñanök indeliga möt yaköme. 18 Anutu, gi mönö uru jeñini mem asarinönga nangi Buñagahö könañi möt yaköme.” Anutunöñ nanñi ambazip sarakñi neñgöra Suep Buña kukösumñi buñabuñañambuk mi neñgimangö keu jöhöiga inñini yuai mi asuhumapkö al mamböta jörömqöröm akñegöra engoholök. Jörömqöröm aketka Jisösnöñ kunbuk asuhuiga aködamurañinambuk akñei, inñini oyaenköyaen mianğö könañi möt sölöngömegöra köulukömakzal.

19 Möt narim wanğiinga Anutugö kukösum köhöikñan urunine sehiba nup memakzawi, mianjön mönö keta bölökñi teteköñi qahö akza. Inñini mianğö könañi möt kutumegöra köulukömakzal. Ösum-mumuñi wewelipñambuk mianjön silenini kutuba inahöm neñgimakzawi, Anutunöñ mianğö kukñi kewö kondel neñgiyök:

20 *Anutunöñ kukösumñi nupnöñ ala Kraist mem gulim wanğii kömupnöhök wahörök aka wanğiriga Suep mire öngöba selñi selñi liliköba jakeni jakeni engonğiriga Anutunöñ böröñi öñje dum tatat mutukñe ali tatza. 21 Ali jakömbuak dumñe tata öröyuai pakpakö bohonina kinja. Bem suahö galöm aka yengö nemböñine jembon pom aka gawman kiap öngöngöñi eretñi kukösumñinambuk kembu ak neñgimakzei,

* 1:20: Sum 110.1

Kraistnön mönö mi körek pakpak galöm köl enjimakza. Suep mire, gölmenön aka mietkö sutjire galöm qet pakpak qet enjigetka bisize, Kraistnön mi körek enjonjita öngöza. Gölmegö nalö kewöneyök qahöpmö, könangep nalö qainji kun asuhuiga mal öngöbini, miangörej mewöyök öroyuai pakpak galöm köla mal öngöma.

22 **Anutunön uña, ömewöröme, ambazip aka öroyuai pakpak mi memba eta Kraistkö bapje al nenjii malinga Kembunini öngöngöñi akza. Anutunön Kraist mi urumelen könagesö nenjiba bohonini kinmapköra kuñgum wanjiiga malja. 23 Yanön kötal nenjiba bohonini aiga nenön yangö öljangö köna börö su-urupñi akzin. Kraistnön nöröwök aiga qahö dop kölbawakmö, nenön yangö törömunñi aka toroqeinga öljan asuhum tingiriga dop kölja. Kraistnön mewöñanök öroyuai pakpakö törömunñina kun aka toroqeiga körek pakpak mienön mönö Anutugö aködamunñinambuk asuhuba dop köla anakze. Mewö.

2

Köhömuneyök guliba Kraistpuk köhöiba maljin.

1 *Mutuhök köna onjita sinjisöndokñi sinjisöndokñi akerangöra malmal köhömunji mala kotket. 2 Inini nalö miangörej gölmegö ahakmeme bölöñi wuatangöget. Ömewöröme yengö Kembuninan nalö kewöñe Suep gölme sutjire mala qegetal ambazip urunini sölölohöba

* 1:22: Sum 8.6 * 1:22: Kol 1.18 * 2:1: Kol 2.13

galöm köl engimakzawi, mönö yanğöreŋ qekötahöba tem köl waŋgiba malget.

³ Neŋön körek mewöŋanök mutuk yeŋgö sutŋine silebile aka laŋ malin. Uru silegö sihim kömbönaŋnini bölöŋi wuatangöba nanine imbi- imbi malin. Mewö laŋ malinga Anutunöŋ neŋgehi qahö dop köliga irimsesewölŋi qaknine ali malin. Qeçetal ambazip tosatŋi yeŋgö dowök Anutugö irimsesewölŋaŋgö buŋaya aka malin.

⁴ Mewö malinmö, nalö kewöŋe mewö qahö. Anutunöŋ ak-kömukömuŋi teteköŋi qahö miäŋön mönö jöpaköm neŋgiyök. ⁵ Köna oŋgita Anutu çetala miäŋgöra köhömuŋi aka malinmö, Anutunöŋ Kraist mem guliyöhi, nini mewöyök mönö mewöŋanök mem gulim neŋgiiga köhöiba maljin. Yanğö kalem möriamŋan mönö amöt çem eŋgiiga kunbuk letotket.

⁶ Kraistnöŋ wahöröhi, nini mewöyök mönö mewöŋanök neŋgömindiga köhömuŋeyök wahörin. Anutunöŋ Kraist Jisös waŋgiriga Suep mire öŋgöyöhi, nini mewöyök mönö mewöŋanök Suep malmalgö jake ahözei, mönö miäŋgöreŋ al neŋgiiga yambuk tosatŋi galöm köl eŋgiba maljin.

⁷ Anutunöŋ kewögöra mewö al neŋgiyök: Anutunöŋ kalem möriamŋaŋgö köweŋi teteköŋi qahö miäŋön aukŋe asuhui möt asaribingöra mörök. Möt asariba könaŋgep nalöŋi nalöŋi qainŋi kun asuhugetka teteköŋi qahö mal öŋgöbini, nalö miäŋgöreŋ mi neŋgim qarimapköra mörök. Anutunöŋ Kraist Jisös melaiiga kaba urukalemŋi mewö kondel neŋgiyök. ⁸ Anutu möt narim waŋgigetka kalem möriamŋan mönö amöt çem eŋgiiga kunbuk letotket. Nanŋini nam köl aŋguba

mewö mianjon qahö letotketmö, Anutunöŋ mi kalemŋa ak enġiyök. ⁹ Nanŋinak yuai kun ak sorokögeranġöra aka qahö letotket. Kunöŋ kun nanŋi silenġi memba öŋgöbapuköra mönö kalem möriamŋanġörök aka mewö ak enġiyök.

¹⁰ Nini Anutugö börösöwöya maljin. Kraist Jisösbuk qekötahöinga Anutunöŋ uru dölöknġi mi-wikŋaiba al neŋġiyök. Anutunöŋ qelġiŋe nup ölöpnġi ölöpnġi möwölöhöba mözözömgöyöhi, neŋön mi memba malbingöra mewö miwikŋaim neŋġiiga maljin. Mewö.

Kraistpuk qekötahöba ölnġi mohot akzin.

¹¹ Mianġöra aka Efesus inġini mutuk Juda ambazip qahö ahuba Anutugö könagesö qahö malgeri, mönö mi mötmöriba malme. Tosatŋan enġöra kewö jiba jim enġimalget, “Nini Anutugö aiwesökŋinambuk maljinmö, kantri tosatŋi inġini ambazip omanġi aiwesökŋini qahö!” Qet mi azi börönöŋ aiwesök silenine yandimakzei, mönö mi mötmöriba jimalget. ¹² Inġini nalö mianġöreŋ urunġini Kraistpuk qahö jöhöba öne yaigep malget. Kian kantri inġini Juda könagesö neŋgö kau likepuprupnina malget. Anutunöŋ ambazip nanŋanġöra möwölöhöm neŋġi maljini, inġini neŋgö sutnine qetŋini qahö malget. Anutunöŋ Buŋanġi alaurupŋi enġimamgö jiba keu jöhöyöhi, inġini mi qahöpmahöp möt kutuba tönpin malget. Oyaenġoyaenġ akingö jörömġörömŋini qahö. Anutunġini qahö tandök gölmenöŋ önewat laŋ malget. Mönö mia mötmöriba malme.

¹³ Inġini mutuk tikep malgetmö, Kraist Jisösbuk qekötahögetka sepŋan sanġon enġiiga nalö kewöŋe

amqeba Anutugö kösutje kaba malje. ¹⁴ Kraistnöŋ nanjak luai Tonini akza. Yanjon Juda könagesö aka kian kantri ambazip kambu yahöt nini mindirim nenŋiiga kutulanŋömakzin. Sutnine kerök ahöba sel paset köhöikŋi ewö menden nenŋiyöhi, yanjon mönö soŋgo mi tumbaköba luluŋniga urumelen könagesö mohot akzin. ¹⁵ *Jisösnöŋ nanni gölme silenjan kömuiga mewö mianjon Juda nenŋören Köna keu aka mianŋö jöjöpaŋ keuŋi aka jimkututu tosatŋi mi köndenök. Sile kambu yahöt mindirim nenŋiba könagesö dölökŋi mohot ak- ingöra mi köndenök. Mianŋöra uru dölökŋi mi- wikŋaiba al nenŋiiga Kraistpuk qekötahöŋga sut- nine luai qei asuhum nenŋiyök.

¹⁶ *Kraistnöŋ kömumba keröknini maripomnöŋ qem kömui erök. Silenŋi mohot mianŋö sepnan mönö ambazip kambu yahöt nenŋuanŋiriga ölöp liliŋgöba Anutugö kösutje kabin. Mewö mindirim nenŋiiga ölöp böröqeŋe akin. Mi ak teköba Kraistkö ölni mohot aka maljin. ¹⁷ *Kraistnöŋ kaba luai asuhumapkö Buŋaŋi mi kian kantri ambazip Anutu andö qeba tikep malgeri, enŋöra jim asarim enŋiyök aka Juda ambazip Anutugö kösutje ma- lini, mönö nenŋöra mohot jim asarim nenŋiba malök. ¹⁸ Kraistnöŋ Juda aka kian kantri ambazip nini körek nam köl nenŋiiga Uŋa Töröŋi mohotjan köna kondel nenŋiiga ölöp amqeba Iwigö jemeso- holne anŋotpin.

¹⁹ Mianŋöra inŋini Juda ambazip qahöpmö, töndup kian ambazip qandakŋi mi qahö toroqeba malje.

* 2:15: Kol 2.14 * 2:16: Kol 1.20 * 2:17: Ais 57.19

Anutugö miri gölme tonji saraknji aketka nembuk mohotnje Anutugö urumelenj könagesö akzin.

²⁰ Kezapqetok ambazip yeñon mutuhök Anutugö keunöñ tandö esim kuñgugetka Kraist Jisösnöñ nanjak kaba tandö kömbönañnini aka aposol melaim neñgiba bohonini kiniga Anutugö urumelenj jikeya akzin. Inini mewöyök tandö miangöreñ aᅅgota nañgönañgö ak aᅅguba köhököhöi miwikñaimakze. ²¹ Yañon mönö miri mi jömukñanök mindirim jöhöiga kinakza. Nini Kembubuk qekötahöba kinda kutulañgöinga mötnaripninan köhöim qariiga Anutugö urumelenj jike kömbuknji akzin. aka ²² Inini mewöyök Kembugöreñ qekötahöba urumelenj alaurup tosatnji yembuk kutulañgöba mohotnje kinda uruñini nañgöm aᅅguba köhököhöi miwikñaimakze. Mewö kinda Anutugö urumelenj jike aketka Uña Töröñi uruñine ala miañon nanjak jikenji miangö uruñe malja. Mewö.

3

Polnöñ kian kantri yeñgöreñ anda Buña nup meyök.

¹ Könañi miangöra aka Pol nöñon kian kantri ambazip inini bauköm eñgimangöra nup memba maljal. Mewö malbiga Kraist Jisösgö nupñi mealangöra kösö mire al niñgigetka tata simin köla köulukömakzal. ² Anutunöñ kalem möriamñi kantri tosatnji eñgöra mendenj eñgiiga ölöwakñegö nup niñgiyöhi, inini mi ölna möt teköze. ³ Anutunöñ keu areñi tölapñi indela jiiga möt yaközali, keu miangö

kōnaŋi lōk töröpŋanōk ohom engial. ⁴ *Ohom engiali, iŋini kulem mi oyoŋda ölöp nöŋgö kōnani kewō möt asarime: Nōŋön Kraistkö kōnaŋi tōlapŋi mi ölöpŋanōk möt kutuzal.

⁵ Möpŋaŋgö möpŋeyök ambazipnōŋ kōnahiba mala kota malgeri, yeŋön nalö miangöreŋ Buŋa tōlapŋi miangöra tōnpin malget. Mewö mala kotketmö, nalö kewōŋe Uŋa Töröŋan mi Anutugö aposol aka kezapqetok ambazip tōk-kutukutuŋi neŋgöra jim indeli mötzin. ⁶ Buŋa tōlapŋi mi kewō: Kraist Jisōsnōŋ Buŋa neŋgimapkö jiba keu jōhöyōhi, iŋini mi Juda nembuk örörōŋ aŋgön köla memba malje. Ölöwak Buŋanōŋ miangö kōnaŋi mi kian kantri ambazip engöra mewöyök kōndel engimakza. Iŋini uruŋini melenḁa ölöp nembuk mohotŋe kötümötuetŋaŋgö Buŋaŋi dop mohot memba malje. Uruŋini Anutubuk jōhöba mohotŋe Kraistkö ölni aka nembuk kambu mohot kinjin.

⁷ Yaŋgö kukōsumŋan mönō nöŋgö uruni sölölöhōiga uruni melenḁbiga Anutunōŋ kalem möriamŋi söŋgörōŋi qahö niŋgiyök. Mi niŋgiiga kōna asuhuiga Ölöwak Buŋagö nup meme azia ahal. ⁸ Nōŋön Anutugö kōnagesö sarakŋi pakpak engö nembö bapŋine eretŋi kötökŋi maljal. Mewö maljalmö, Anutunōŋ tōndup kalemŋi öŋgöŋgōŋi kewōŋi niŋgiyök: Nōŋön Kraistkö oyaenḁkoyaen Buŋaŋi mi kian kantri ambazip engöra jim asarimangö simbawoŋ mötzal. Oyaenḁkoyaen miangö kōnaŋi mi körek esiba möt kutum teköbinangö dop qahö.

* 3:4: Kol 1.26-27

⁹ Anutunöŋ möpŋaŋgö möpŋe yuai pakpak miwikŋaiba Buŋaŋi tölapŋi közamböriga ambazipnön mala kota malgetka nalö miangören tönpin malget. Miangöra nöŋön Anutugö Buŋa aren tölapŋi mi galöm köla malbiga ölnambuk ahakza. Nöŋön miangö könaŋi aukŋe jibiga ambazip körekŋan möt sölöngömögöra simbawon mötzal.

¹⁰ Anutunöŋ mötkutukutuŋi qainŋi kun könaŋi könaŋi indel nenŋiiga nalö kewöŋe urumelen zioz kambu sutnine eraum möringa aukŋe ahum sehimakza. Anutunöŋ urusihimŋan kewö mörakza: Bem suahö galöm aka pom garata öngöŋgöŋi eretŋi Suep gölme sutŋire öroyuai pakpak galöm kölakzei, yeŋön mewöyök Anutugö mötkutukutuŋi mi kezap ala mötmegöra mörakza. ¹¹ Yeŋön mi mötmegöra Anutunöŋ Buŋa areni mi möpŋaŋgö möpŋeyök nalö qahöpŋe uruŋan jim köhöiba ali ahöyök. Miangö dop Kembunini Kraist Jisös melaiiga ölni miwikŋaiiga könagesöuruŋi aka mindiriba kinjin.

¹² Kraistpuk qekötahöba kinda möt narim waŋgiinga Anutugö naŋuŋan mewö taliga ölop yaŋgö jemesoholŋe aŋgotpingöra awösamkakak kinjin. ¹³ Miangöra kewö ulet engizal: Nöŋön kösö mire tata eŋön ölöwakŋegöra aka köŋjiliŋ möta malakzali, miangöra uruŋinan mönö kude etma. Inini nöŋgö sihimbölöni miangöra aka ölop aködamunŋinambuk akŋe. Mewö.

Polnöŋ Efesus yeŋgöra kewö köuluköyök:

¹⁴ Könaŋi miangöra nöŋön Iwinini simin köl waŋgiba köulukömakzal. ¹⁵ Yaŋönök mönö iwinini mutukŋi akza. Yaŋgö dop Suep aka gölmegö könagesö pakpak neŋön iwi qet memba qerakzin.

16 Kewö köulukömakzal, “Anutu, gi mönö Uŋagi Töröŋi al enŋinöŋga uruŋinan köhöimakŋa. Göhö Buŋagi kukösumŋi buŋabuŋaŋambuk mi teteköŋi qahö köwege ahözawi, gi mönö kukösumgi miangö dop mem köhöim enŋimakŋan. 17 Mem köhöim enŋinöŋga ölop Kraist möt narim waŋgigetka uruŋine dumŋi memba malma. Mewö maliga kesötŋini Kraistkö urukalemnöŋ möndömgöba mendawölget geiga töndangöba kinme.

18 Urukalemŋan nam köl enŋiiga könagesö sarakŋi pakpak yembuk ölop Kraistkö urukalemŋangö könaŋi möt kutume. Jöpaköm nengimazawi, urukalem miangö dopŋi kewö: Göraŋi likeplikap teteköŋi qahö an bibihiza. Köröŋi enduyaŋgö enduŋe angaiza. Köröŋi euyaŋgö euŋe öngöza. Mewöyök dutŋe emuyaŋgö emuŋe geba ahöza. 19 Kraistkö urukalemŋan mönö gölmegö mötmötninaŋgö dopŋi oŋgita. Mi möt kömumegöra kewö köulukömakzal: Anutu, gi mönö aködamungi pakpakö dop mötmöt Buŋagan uruŋini kokolak qeba musulungöm enŋiman.”

20 Anutu mewö köuluköba kewögöra möpöseimakzal: Nini mötmötnini oŋgita yuaigöra köuluköba qesibinak me jemelen imut ala mötmöribinak ewö, yaŋön mönö yuai mi ölop köhöiba nengima. Anutu kukösumŋan urunine nup memazawi, yaŋön mönö miangö dop köuluk aka mötmöt dopnini oŋgit teköba amqeba yuai pakpak ölop ak nengimakŋa. Miangöra möpöseim waŋgimakin. 21 Urumelen könagesö neŋön tokoba Kraist Jisösgöra aka Anutugö qetbuŋaŋi möpöseininga aködamunŋambuk aka

ahöma. Mi gwöt isik ahöm köhöiba teteköñi qahö ahöba öñgömei, nalö miañgöreñ mönö mewöñanök aködampungambuk aka ahöma. Keu mi ölna.

4

Kraistnöñ mindirim nenñiiga ölni mohot akzin.

¹ Nöñön Kembubuk qekötahöba kinda nupñi mealanğöra kösö miri azia akzal. Keu mi jim teköba uruñini keu kewö jiba kuñguzal: Anutunöñ ahakmeme aködampungambuk aka memba malmegöra enğoholöhi, miañgö dop inini mönö malmal qainñi kun malme. ² *Mönö uruñini memba et ala keu bapñe anda guñböñjönjön qakñe ambazip ak enğiba malme. Lömböt mökösonğda malme. Mönö lolongöba bölöñanğö kitipñi kude mememö, qaqaenğiba jöpaköm anğuba malme. ³ Uña Töröñan uruñini qezaköba luaigö kösönöñ jöhöba mindirim enğimakzawi, inini mönö uru jöhöjöhö mi sutñine ahömapköra kapan köla kinme.

⁴ Anutunöñ enğoholöhi, miañgöreñ mönö öröröñ oyaenğoyaenğ akingö jörömğörömnini mohot miyök al enñiiga al mamböta malje. Miañgö dop inini mewöñanök Kraistkö öl kemañi mohot aketka Uña Töröñi mohotnöñ mönö inahöm enñiiga malme. ⁵ Kembunini mohotnöñ galöm köl enñiiga öröröñ möt narim wañgetka o melun mohot miyöhök mem enğigetka mohot aka malje. ⁶ Anutunini mohotnöñ körek iwi ak nenñimakza. Yañön yuai pakpak körek nenğonğita Kembu öñgönğöñi ak nenñimakza. Mewö aka jitñi tem

* 4:2: Kol 3.12-13

kölbिंगöra körek kuᅅguba inahöm neᅅgiba urunini dop malmal tatat ak neᅅgimakza.

⁷ Mianᅅö dop öröröᅅ Kraistkö ölni mohot maljinmö, Kraistnöᅅ kalem möriamᅅi mokoba sihimᅅaᅅö dop neᅅgiyök. Nup memegö mötmöt kalem könaᅅi könaᅅi mi mohot mohot neᅅgöra dopnine mendeᅅ neᅅgiiga maljin. ⁸*Mianᅅö keuᅅi mi kewö jigetka Buᅅa Kimbinöᅅ ahöza, “Yaᅅön euyangöreᅅ öᅅgöba kinda kösö ambazip gwötpuk eᅅgömeiga buᅅaurupᅅi aketka kalemᅅi kalemᅅi mi ambazip neᅅgöra neᅅgiyök.”

⁹ “Euyangöreᅅ öᅅgöyök,” Anutunöᅅ keu mi mönö denöwögöra jiyök? Mianᅅö könaᅅi kewö: Kraistnöᅅ mutuk Suepnöhök erök. Mönö gölme dutᅅe emuyangöreᅅ geyök. ¹⁰ Eröhi, yaᅅön mönö mewöyök lilingöba eu öᅅgöyök. Öᅅgöba Suep mirigö jakeni pakpak eᅅgoᅅgita qakᅅe euyangöreᅅ öᅅgöba malja. Mianᅅöreᅅ mala Suep gölmeᅅö öröyuaiᅅiri pakpak mi ösumᅅan kokolak qeba jömuk dop köl teköba malja. ¹¹ Kraistnöᅅ ambazip neᅅgöra mötmöt kalemᅅi könaᅅi könaᅅi kewö mendeᅅ neᅅgiyök: Nupᅅi mendeᅅ neᅅgiiga tosatᅅan melaimelai ambazip bohonᅅi (apostol) aket. Tosatᅅan kezapᅅetok ambazip (profet) aket. Tosatᅅan urukuᅅgukuᅅu ambazip (ewanᅅelis) aket. Tosatᅅan lama galöm (pastö) aka kusum neᅅᅅineᅅi böhi qaᅅazu aket.

¹² Kraistkö ölni mi urumeleᅅ ambazip. Neᅅön yeᅅgö uruᅅini naᅅgöinga köhököhöi miwikᅅaibingöra nupᅅi mewö mendeᅅda kuᅅgum

* 4:8: Sum 68.18

neŋgiyök. Könagesö sarakŋi neŋön körek urugö nupŋi membingö jöjöröm teköba malbingöra aka mewö inahöm neŋgiyök. ¹³ Mewöŋa mewö nup murutŋi murutŋi memba mala Anutu möt nariba könaŋgep Nahönŋi möt yaköm soroköba miangöreŋ qezaköm aŋguba mohot aka kinbin. Anutugö mötmötŋi aka aködamun yuaini pakpak mi mönö körekŋanök Kraistköreŋ ahöza. Neŋön Kraistkö köweŋeyök mötmöt ösumŋi öröŋga musulungöm neŋgiiga qarim sehiba köhöiba malinga aködamunŋi köl neŋgi körek asuhui malbin.

¹⁴ Toroqeba namande tandök malbinbuköra Kraistnöŋ urunini kuŋguba nanŋi ewö aködamuninambuk akingöra inahöm neŋgimakza. Namande tandök malinga qewöloŋ ambazipnöŋ areŋ i me wai ala möndöba tutuhum neŋgigetka tala et neŋguyöhi, inini mönö miangö dop aka laŋ malbepuk. Luhutnöŋ lilikqilik qeiga köwetnöŋ kunduriga sirinöŋ gödöwöröt laŋ waŋgiriga an qem kam qem aka simbiŋsambaŋ ahakza. Miangö dop gölme ambazipnöŋ silenöŋ alal aka unji memba tilipmöt möt miwikŋaiba ambazip laŋ kusum eŋgigetka janjuŋ ahakze.

¹⁵ Miangö dop laŋ kude malmemö, keu ölnanök töp jiba jöpaköm aŋguba malme. Mewö mala Kraistnöŋ nöropnini akzawi, kesötŋini mönö yaŋgöreŋ möndömgöget geiga töndangöba yuai pakpak miangöreŋ qarim köhöiba aködamunŋinambuk aka malme. ¹⁶ *Kraistnöŋ nöropnini aka ölni jömuhök galöm köl neŋgiiga ginimuranŋi körekŋan mönö ölnaŋgö köna böröŋi

* 4:16: Kol 2.19

mindiriba jöhöm neŋgigetka kutulaŋgömakzin. Ösum mohot mohot ahöm neŋgizawaŋgö dop mönö nupnini memba kötöngöba jöpaköm aŋguinga ölni mianjön köhöiba qarimakza. Mewö.

Asakŋaŋgö ahakmeme dölökŋi aka memba malme.

¹⁷ Mewö akzinaŋgöra nöŋön Kembangö jitŋe memba galöm meme keu kewö jibi möt yaköme: Urumelengö kopa ambazip uru mötmötŋini sohoiga nesak ewö aka öne omaŋi laŋ malakzei, iŋini yeŋgö tandök bölöŋi kude toroqeba aka memba malme. ¹⁸ Urumelengö kopa ambazip yeŋgö urumötmötŋinan söŋauiga Anutubuk malmalgöra siksauk aka sohoze. Mötmöt bölöŋan uruŋini gwözöŋda duhuyöhaŋgöra aka gukmaulem aka tönpin malje. Miangöra Anutugöreŋ malmal köhöikŋe qahö qekötahömakzemö, nanŋinök laŋ töhön malje. ¹⁹ Galömŋini qahö mem aŋgugetka uruŋini gwözöŋ teköiga gamu taŋeŋ malje. Uruŋini kaiseröŋ jöhöba qewöloŋ yuaigöra laŋ söŋgaiba tölöhomakze. Yuai membagun memingö nepaqepalok köpösöŋgömakze.

²⁰ Yeŋön mewö ahakzemö, iŋini Kraistpuk malmalgö könäŋi mi mewö qahö kusum eŋgiget mötket. ²¹ Iŋini keu ölnaŋgö Tonji Jisösbuk qekötahögetka miangö dop könäŋi kusum eŋgigetka ölni kewö möt yaköget: ²² *Mutuk ahakmemeŋini walŋi wuatangögetka sihim kömbönaŋini bölöŋan isimkakalek ak eŋgiiga ayuhum aŋgubingö aket. Köna kusum eŋgiget mötkeri, miangö dop mönö uruŋini walŋi meteköm gila andö qeme.

* 4:22: Kol 3.9

23 Urumötmötnini mem guliget kölönaiiba malmegöra köna kusum engiget. 24 *Anutunönj nini nanji kaisongolomnanjö dop saraknji aka mal köhöibingöra miwiknjaim nenngiyök. Uru dölöknanjö malmal solanji wuatangöbingöra mönö al nenngiyök. Miangöra uru dölöknji miyöhök mönö bök kölget geiga malme. Köna mi mönö mewö kusum engigetka möt yaköget.

25 *Köna mewö ahöiga nini Kraistkö ölnji mohot mianjö urunje darumun ewö mindiriba ala-ala aka maljin. Miangöra munenji mi mönö meteköm gilget geiga sutjine keu ölnjanök pakpak eraum möta malme. 26 *Tembula kukpirinjönö aknje ewö, mönö töndup singisöndok kude aknje. Irimjnini seholimawi, keunjini mi mönö zilanj wehön jenan qahö teköba geiga jim tekögetka solanima. 27 Mewö Bölönanjö Tonjan sutjine kanjotpapuköra qeapköba nalö kun kude wanjgiba zilanj yakörime.

28 Kunjan yonjorö meme malöhi, yanjön mewö kunbuk kude aknja. Mewö qahöpmö, mönö nanji börönan nup kapanj köla memba malma. Nup memba nanji nene inapnji miwiknjaiba ölop amqeba ambazip wanapnji nanjöm engimaknja.

29 Keu lösö kun jitjineyök kude etmapmö, keu ambazip urunjini nanjöba mem köhöimawi, mönö miyöhök jiba malme. Ambazip keunjini möta urunjini ahözawanjö dop qambanjöra osizei, mönö mianjö dop goro engigetka keu nahömjni möta ölöwakeak. 30 Anutunönj bujaaurupnji sohohnini meiga Suepnönj öngöbini, nalö mianjöra aiwesökjni

* 4:24: Jen 1.26; Kol 3.10 * 4:25: Zek 8.16 * 4:26: Sum 4.4

kömbönaŋi mekötahöm enŋiiga uruŋine geba Anutugö muŋgemŋi akza. Mianŋöra Anutugö muŋgemŋi Uŋa Töröŋi mi mönö wösöbirik kude qem wanŋime.

³¹ Inini mönö urukömbuk, urukondum aka uruŋgok pakpak mi qeköba gilget köröwen tatma. Urukönöpnöŋ kude jula enŋohoiga uruŋinan auba yom qeta jim anŋubepuk. Mewöyök andöqeŋe keu töhöreŋ mi kude jime. Anŋöjörak könaŋi könaŋi uruŋini tölöhobapuköra mi mönö körek andö qegetka tikep ahöma. ³² *Tikep ahömapmö, ala-ala ak anŋuba mököliba guŋböŋjönjöŋ qakŋe ak anŋuba malme. Kraistpuk qekötahögetka Anutunöŋ ŋiŋisöndokŋini mosöta ŋaŋon enŋiyöhi, inini mönö mianŋö dop toroqeba köpösihitŋini mosöt anŋuba malme. Mewö.

5

Anutugö asakŋe malmal mi kewö:

¹ Anutugö wölböt nahönböraturupŋi akzeanŋöra silikŋini mönö kapan köla Anutunöŋ ahakzawanŋö dop aka wuatangöba malme. ² *Kraistnöŋ jöpaköm nenŋiba malmalŋi nenŋöra aka köleŋda mosörök. Jöwöwöl ohogetka köwakŋan öŋgözapma, Anutunöŋ mianŋö dop Kraist malmalŋanŋö kalemŋi mi möt anŋön köli wörönŋi umköhöwakŋambuk ewö aka yanŋö jeŋe pukpuköiga söŋgaiyök. Inini mönö mewöyök urukalemnöŋ kinda Kraistkö dop jöpaköm anŋuba aka memba malme.

³ Serowilin, qewölon anŋöjörakŋambuk könaŋi könaŋi me yuai membagan membingö

* 4:32: Kol 3.13 * 5:2: Eks 29.18; Sum 40.6

nepaqepalok (gridi) silikni mi Anutugö jeñe qahö dop kölja. Mianğöra Anutugö ambazip sarakni akzeangö dop yuai mewöñangö keuñi kun mi sutñine kude misiriba jigetka mötme. Saumbañ!

⁴ Anğögönahitnöñ lösö keu imbilonlonambuk aka uruqahö keu sinñi sinñi mi kude jime. Mianğön uruñini tölöhoiga qahö dop kölja. Mianğöra mi mönö mosöt teköba möpömöpösei keu jim sehiba malme.

⁵ Keu kötñi ki mönö möt kömume: Kunñan serowilin me qewölon anğjörakñambuk me membagun membिंगö nepaqepalok köpösöngömakzawi, yañön mönö Anutugö bemtohoñi buña qem anğumamgö osima. Ahakmeme mianğön bem muneñi me tandö lopion möpöseim enğimakzeangö tandökñi akza. Mewö akzawañön mönö Kraist aka Anutu yetkö bemtohoñ uruñe anğotpingö osima.

⁶ Anutunöñ siñgisöndok mewöñangöra aka tembula irimsesewölñi qeçetal ambazip yeñgö qakñine ali öngömakza. Mianğöra kunñan keu omanñi mewöñi jiba kelök ala tutuhuba tilipköm enğibapuk. ⁷ Mianğöra ambazip mewöñi mönö andö enğuba yembuk köisirik kude malme. ⁸ Mutuk söñaupuk malgetmö, nalö kewöñe Kembubuk qekötahöba kinda yañgö asakñambuk malje. Ahakmemeñini mönö asakñangö buñaya akzeangö dop aka memba malme. ⁹ Asakñangö buña akzeangö töhötmöriam ölni mi kewö: Inini ahakmeme ölöpnñi wuatangögetka Anutunöñ keuñini jim teköi solanime aka keu öl töhöññanök jiba malme. ¹⁰ Wani yuai Kembangö jeñe dop

kölmawi, mianğö könañi mönö jaruba kewöta möt asarime.

¹¹Söñaupkö ahakmeme gilipitñi (ambetakñi) aka memakzei, yembuk mönö köisirik kude toroqeba malme. Yengö bölöñamñini mi mönö indela asakñe ala jim engime. ¹²Tosatñan singisöndok tölapñe ahakzei, mi mönö aukñe jibingö gamuñambuk akapuk. ¹³Anutugö asakñan singisöndokñini pakpak mem asariiga könañamñini ölnan mönö aukñeyök asuhuma. ¹⁴Asakñangö Tonan mönö tölapñangö yuaini pakpak indeliga asakñe aukñeyök ahöma. Mianğöra keu kun kewö jigetka ahöza, “Gauñ ahözani, gi mönö imbigi mötnöñ.

Mönö köhömuñeyök guliba wahötnöñga Kraistnöñ mem asarim gihima.”

¹⁵Keu mianğö dop ahakmemeñini mönö mötkutukutu qakñe aka memba malme. Morop aka tönpin malbepuköra mönö ölöpnanök galöm mem anguba malme. ¹⁶*Kewöñe nalö bölizawañgöra aka urugö nup membingö köna kun ahumawi, nalö mi mönö kude mösöhöba ayuhumemö, ambazip qöhöröñine anda ösöñ qambañ köñ engime. ¹⁷Mianğöra uruqahö ewö lañ kude malmemö, Kembugö jitsihitñi mi ölöpnanök möt asariba kinme.

¹⁸Wain o köhöikñi nemba enololon akepuk. Nanñini imbi-imbi malgetka mötmötnini bölöñan asuhugetka söñaup malmalnöñ titeköba geba ayuhubepuk. Mianğöra enololon akepukmö, Uñan Töröñan mönö uruñini kokolak qemapköra kapan köla kinme. ¹⁹*Mönö Buña keu eraum möta

* 5:16: Kol 4.5 * 5:19: Kol 3.16-17

Sumbara (sam), möpömöpösei liñet (omsa) aka urugö liñet tosatñi mi urukönömñinan köla Kembu möpöseimakñe. ²⁰ Mewö me mewö asuhuiga miangöra mönö Kembunini Jisös Kraistkö qetñi qeta Iwi Anutu sundan saiwap jim wañgiba malme. Mewö.

Awanöm yeñgö goro qambañ keu

²¹ Kraistkö jitñi oñgitpepuköra keñgöñjini möta mönö sutñine keu bapñe anan ak añguba malme.

²²⁻²³ *Kraistkö ölnji mi urumelenj könagesö. Yañön miangö nöröpñi aka Amötqeqe Tonji akza. Miangö dop azinöñ mewöyök anömñangö nöröpñi akza. Miangöra ambi injini mönö Kembangö keu bapñe anangö dop nannjini apurupñjini göda qem añgiba keunini bapñe anda malme. ²⁴ Urumelenj könagesö neñön Kraistkö keu bapñe kinjini, miangö dop ambi eñön mewöyök mönö apurupñjanangö keu pakpak wuatangöba malme.

²⁵ *Kraistnöñ nannji könagesöñi jöpaköm neñgiba neñgöra aka malmalñi tököba köleñnöhi, miangö tandök azi eñön mönö mewöyök anömurupñjini jöpaköba urukalem ak añgiba malme. ²⁶ Kraistnöñ könagesöñi Buña keuñan tök kutuba ambi buñañi sarakñi akingöra o ewö miangön sañgonða mösoloñanim neñgiyök. ²⁷ Yañön nini ölülp sorok akingöra möta uru sönuetnini mösoloñaniba töwöt boromñi kun qahö akingöra kapañ kölakza. Könagesö sarakñi köpösihitkö keunini qahö akingöra mörakza. Kraistnöñ kaba neñguañgiriga asakmararañe eu añgoringa jihilalomñan neñguiga

* 5:22-23: Kol 3.18; 1 Pitö 3.1 * 5:25: Kol 3.19; 1 Pitö 3.7

ambi buñaŋi ewö nini nanŋi jemesoholŋe al neŋgiiga aködämuninambuk kinbin.

²⁸ Azi iŋini mewöyök mönö Kraistkö tandökŋi mewöŋi wuatangöba anömurupŋini jöpaköm eŋgiba malme. Anömŋi jöpakömakzawaŋön mönö nanŋi köyan köl aŋgumakza. Miangöra nanŋini silenini köyan köl aŋgumakzeangö tandök mönö anömurupŋini köyan köl eŋgigetka dop kölma. ²⁹ Kunŋan kun nanŋi silenini nalö kunöŋ kazik qahö ak waŋgiyökmö, körek neŋön silenini gumohoba köyan kölakzin. Kraistnöŋ mewöyök könagesöurupŋi nini silenini ewö keuŋan gumohoba köyan köl neŋgimakza.

³⁰ Urumelenj könagesö neŋön Kraistkö ölni akzin. Neŋön Kraist ölnangö törömunŋi aka maljin. Miangöra gumohom neŋgimakza. ³¹ *Buña keu kun kewö ahöza, “Miangöra azinöŋ mönö iwinamŋi etkömosöta anömŋambuk qekötahöba yahöt yetkö silemohot aka malmahot.” ³² Keu mi söpsöp keu tölapŋi. Mi Kraist aka urumelenj könagesö neŋgö uru jöhöjöhöninangöra jiba ohozal. Keu areŋ miangö könaŋi mi tölapŋi aka dutŋi gegeni. ³³ Mewö akzapmö, eŋgöra keu mi kewö jizal: Iŋini mohot mohotŋan mönö mewöyök anömurupŋini nanŋini köyan köl aŋgumakzeangö dop jöpaköm eŋgiba malme. Anöm eŋön mönö mewöyök apurupŋini göda qem eŋgiba malme. Mewö.

6

Nahönbörat aka iwinam yeŋgö uru jöhöjöhö

* 5:31: Jen 2.24

¹ *Nahönbörat engörej ahakmeme diñdñi mi kewö: Inini mönö Kembubuk qekötahöba iwinamyahötñini yetkö jitñiri tem köla wuatangöba malme. ²*Anutunöñ jöjöpañ keu 1-2-3 miengö teteköñe töwa likepñi neñgimangö qahö jii ahözapmö, jöjöpañ keu jañgö 4 mi törömunñambuk. Mutuk kewö jiza, “Iwinamyahötki mönö göda qem etkiba malman.” Keu mi tem kölinga Anutunöñ töwa likepñi neñgimangö keuñi kewö jöhöi ohoget ahöza, ³ “Göda qem etkinöñga Anutunöñ töhötmöriam gihiiga toroqeba gölmenöñ nalö köröpñi malman.”

⁴ Nahönböraturupñinan irimsesewöl akepeköra iwi eñön mönö urukanjam kude ak engiba malme. Mewö qahöpmö, Kembangö Köna keu tem kölmegöra kusum engiba miangö dop mindingöm engigetka qarime. Mewö.

Welenqege aka galöm yengö qambañ keuñini

⁵ *Welenqege inini mönö gölme qakñe galömurupñini yengö keuñini Kraistkö keu ewö tem köla jöranñtauat kude ahakñe. Keuñini ongitpepeköra sömbuñini möta jönömñinambuk undui malme. Urugenmoñ kude aka böñ kinda aka memba malme. ⁶ Köñdowon aketka ambazipnöñ engek sorimegöra qahöpmö, uruñini nupnöñ ala memba Anutugö jitsihitñi wuatangöba Kraistkö welenqege tandök ahakñe. ⁷ Gölme ambazip welen qem engiba mewö mianön Kembangö welenñi qemakzin. Mewö möta nupñini mönö

* 6:1: Kol 3.20
Kol 3.22-25

* 6:2: Eks 20.12; Dut 5.16; Kol 3.21

* 6:5:

Kembugö jeñe dop kölmawanğö dop uruölöwakpuk memba malme.

⁸Keu ki mönö mötme: Engö sutñine tosatñan nup toñi malje aka tosatñan toñini töwa qahö öne welen qem engiba etqegeñi malje. Mi töndup denike yeñön nup ölöpñi mi me mi memakzei, Anutunöñ mönö mianğö töwanji al enğiiga buña qem anğume. Keu mia mönö mötmöriba malme.

⁹*Tourup aka welenqeçe engö Kambuñini mohot yañön Suep mire malja. Yañön ambazip tosatñi qahö engek soriba tosatñi qahö qepureim engimakzapmö, dop mohotnöñ kewöta keunini jim teköm neñgima. Galöm inini mi möt kutuzeanğöra mönö welenqeçe alaurupñini simin titit ölöpñi dop mohot ak engiba öröm könöpkönöp memtöröp qemtöröp mosöta malme. Mewö.

Anutugö jurujamba jömuk memba malme.

¹⁰Kimbini tekömamğö aiga keu kewö ohozal: Inini Kembubuk qekötahöba kingetka kukösumñi ketanjan mönö inahöba töngum enğiiga köhöimakñe.

¹¹Bölöñanğö Toñan silenöñ alalgö mötmöt areñ könañi könañi alakzawi, inini mi mesohol köla kin köhöimeğöra mönö Anutugö wahijamba pakpak memba kölget gem anğum teköiga malme.

¹²Nini gölme ambazip sep busuñinambuk yembuk bim qahö aumakzinmö, bem suahö galöm aka iwiluhut bölöñi bölöñi tuarenjon ak engibingöra kinjin. Bem suahö galöm bölöñi Suep gölme sutñire jakömbuak dumñine kinda kembu ahakzei, mönö mi qetal engimakzin. Mewöyök pom böhi öñgöñgöñi eretñi sutñine panamangö öme tohonğö azi ipñi

* 6:9: Dut 10.17; Kol 3.25; 4.1

mala öröyuai pakpak galöm kölakzei, neñön mönö yembuk yarö gilakzin. ¹³ Mianğöra tuarenjon ak engibingöra mönö Anutugö jurujamba lökñanök memba kölget gem anğuiga kinme. Mewö kingetka kerökñinan nalö bölöñe engubingö gangömakñei, nalö mianğoreñ mönö ölop amqeba yarö gila tötal engime aka yarö mi teköiga ölop miri gölmenjine kanjam köla kinme.

¹⁴ *Wahijambañini mönö kewö löngöt anğume: Keu ölnanök jijigö irimunğani mönö anjönjine jöhöba kinme. Ahakmeme solan sorokñi mi töptöpñine göwanğöwan (kapa maluku) ewö köla sel jöhöm anğuba kinme. ¹⁵ *Köna esu böñtönök löngöta ölop töndangöba tiba anakzin. Mianğö dop injini mönö luaigö Buñani jim sehibingö jöjörögetka mianön bohon köl engima. ¹⁶ Jurujamba miembuk toroqeba saiwa bohonñi qetñi mötnarip mi mönö buña qem anğuba sundan tengöba kinakñe. Bölöñanğö Tonjan neñgeriba qönsihim neñgimangöra möta timbi liñgipñi mulahakzawi, mianğö esapesap könöpñi pakpak mönö suman mianön qeapköba anğön köl anğumakñe.

¹⁷ *Anutugö Amötqeqe Tonji i mönö buña qem anğume. Buña qem anğuba kunbuk letotmei, dom-amöt mianön mönö nöropñini ain irikmarik ewö turuba anğön köl engimakña. Uña Töröñan bimgö sou ketani neñgizawi, mi Anutugöreñ Buña keu. Mi mewöyök mönö buña qem anğuba urukönömñine ala bimñini mianön qemakñe. ¹⁸ Wahöjambañini pakpak mi löngöt anğuba mönö nalö dop Anutu

* 6:14: Ais 11.5; 59.17 * 6:15: Ais 52.7 * 6:17: Ais 59.17

köuluköba qesiba malme. Uña Töröñan enguasöta inahöm enjimakzawañgö dop mönö uletnöñ sahöt wañgimakñe. Mönö pöndañ uruguliguli mala sundan Anutugö ambazip sarakñi pakpak yengöra aka kapañ köla köulukömakñe.

¹⁹ Nöñgöra mewöyök kewö köulukömakñe, “Anutu, gi mönö keu köñi diñdini Pol wañginönga göhö Ölöwak Buñagi tölapñi mi keu jitñan jimawañgö dop jim asariba awösamkakahök kinda uru kuñgum enjimakña.” ²⁰ Nöñön Ölöwak Buña mianğöra aka Anutugö jitñememe azi bohonñi akzalmö, nupñi memakzalañgöra aka nalö kewöñe kösö mire tatzal. Mianğöra Buña keu mi Anutugö jeñe dop kölmawañgö dop awösamkakahök jiba malmawañgöra mönö köuluköba malme. Mewö.

Yaizözkök keu teteköñi

²¹ Wölböt alani Tikikus yañön nöñgö kösohotni alma. Yañön Kembubuk qekötahöba nupñi memburik-qemburikñi qahö memakza. Kiañgöreñ denöwö aka memba tarakzali, mi pakpak jiiga iñini mewöyök mi mötme. ²² Neñön denöwö maljin tatzin, iñini kösohot mi mötmegöra Tikikus melaim wañgibiga Efesus enğöreñ kama. Yañön kaba urukölalep enjiiga ölop böñjöñ malme.

²³ Iwi Anutu aka Kembu Jisös Kraist yetkön mönö urumelen alaurup enğöreñ luai qeba urukalem ak enjiba mötnaripñini mem köhöimakña. ²⁴ Ambazip Kembunini Jisös Kraist nalö teteköñi qahö jöpaköba malmei, Anutugö kalem möriamñan mönö körek embuk ahöba ahöm öñgöma. Mewö.

Burum-Mindik Bible
The New Testament and portions of the Old Testament
in the Somba-Siawari language of Papua New Guinea,
also called the Burum Mindik language.
Sampela hap Buk Baibel long tokples Burum Mindik
long Niugini

Copyright © 1992, 2002 The Bible Society of Papua New Guinea

Language: Burum-Mindik or Somba-Siawari (Somba-Siawari or Burum-Mindik)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-22

PDF generated using Haiola and XeLaTeX on 3 Mar 2023 from source files dated 9 Oct 2020

c0871260-68cc-5a50-953f-52200e105d1e